

PERAREM AWIG- AWIG



**DESA ADAT
KATUHPAANG
DESA ANTAP KECAMATN SELEMADEG
KABUPATEN TABANAN**

SUKERTA TATA PAKRAMAN

PALET 1 INDIK KRAMA

INDIK KRAMA :

PAWOS 4 (2) na.

- – Yen wenten krama tamu rawuh ring desa pakraman Katuhpaang 1 kali 24 jam. Mangda masadok ring prajuru. Tur nakenin asal-usul ipun lan tetujon nyane.
- Yening ipun meagama hindu keni dana 10.000 rupiah adiri/asasih, yening meagama tiosan ring agama hindu keni dana 25.000 adiri/asasih, taler kekeniang dana jaminan akehnya 250.000 adiri, jinah punika jagi kawaliang malih ritatkala ipun matilar saking desa pakraman Katuhpaang.
- – yening wenten krama tamu musiman keni dana 10.000 adiri.

PAWOS 5 (3) na.

1. Marep ring krama desa sane ngawit saking ngarangin ; tur tedun makrama desa kakenenin :
 - a. Batu-batu : 150.000
 - b. Pemogpog : 500.000
 - c. Pengampak Lawang : 100.000

PAWOS 5 (5)

- Sang Saking Siaosan desa yen sareng tedun makrama desa ring desa pakraman Kutuhpaang, patut keni :
 - a. Batu-batu : 50.000
 - b. Pemogpog : 150.000
 - c. Pengampak Lawang : 25.000

PAWOS 6 (3)

- Tate titine nitenin wusan dados krame desa inucap ring ajeng, kasulurang manut pamutus peparuman krame desa.

PAWOS 7(2) ha.

- Balu rembang sane pianaknyane katun alit-alit, punika keni ayahan balu rembang, utawi ayahan asibak.

PAWOS 7 (3) ha.

- Ritatkala ngardi wewanganan marep kebuatan desa pekraman, kramane sejaba keni ayahan manut pawos 7, taler peturunan sekadi :
 - a. Perturunan sama wibhaga ritatkala ngewangun.

PAWOS 7 (4) ha (1)

- Rikala mapawanganan, ngrabin, nangun yadnya, nandur kaluwasan. Masengker dewasa lan sekancan punika :
 - a. Kedadosan mapuangkid.

PAWOS 7 (4) ca (1)

- Dados Pegawai negeri utawi pegawai perusahaan swasta kadadosang mogpog utawi numbas ayahan (ngampel).

PAWOS 8 (1)

- Krame Tamiu lan tamiyu patut medana punia ring Desa Pakraman, yening ipunngruruh pengupa jiwa ring Desa Pakraman Kutuhpaang ipun keni dana asasih Rp. 10.000.

PAWOS 9 (3)

- Peturunan miwah leluputan:
 - a. Sor singgih leluputan miwah bacakan sang polih leluputan, polih leluputan ayahan miwah peson-peson.

**PALET 2
INDIK PRAJURU LAN SUKERTA DESA**

PAWOS 10 (2) na.

- Keadegang Prajuru melantaran antuk pemilihan jeroning paruman desa nyabran 5 warsa. Sajroning wenten parindikan tiyos :
 - a. Padem
 - b. Sungkan Rahat
 - c. Nilar Sesana

PAWOS 10 (3)

- a. Prajuru desa taler ngadegang dulun desa utawi panglingsir sane sinanggeh kerta desa, mawit saking prajuru sane sampun puputing panumaya, sang wikan ring adat miwah agama, prebekal miwah sane lianan, sane sampun kacumpuin antuk krama desa.

**PALET 3
INDIK KULKUL**

PAWOS 15 (3)

- Tetepakan suaran kulkul manut dresta, anggah-unggung tetepakan ipun luire :
 - a. Suaran kulkul atuludan lambat tengeran tedun ngyah wiyadin paum.
 - b. Suaran kulkul bulus tengeran kepanca baya minekadi :
 - i. Kemalingan
 - ii. Keamukan
 - iii. Nebegal utawi ke bayapati siosan.
 - c. Kulkul ngunitit tengeran wenten geni baya.
 - d. Limang klentungan lambat tengeran pawiwahan.
 - e. Tigang klentungan lambat tengeran kepademan.

PAWOS 16 (2)

- Sang nepak kulkul Desa Pakraman, tan sangking pituduh praju, patutu di gelis atur supeksa maka buatan panepakne ; sang mamurung keni denda **Rp. 20.000**

PAWOS 16 (3)

- Kulkul sekaa-sekaa miwah kulkul pondokan, tan kalugra nyawering utawi matehin suket miwah tetepakan kulkul Desa Pakraman ; prade mamurung, sang mawurung ketibenin denda Rp. 10.000

**PALET 4
INDIK PARUMAN**

PAWOS 17 (2) na.

- Maka pangawit kelaksanayang panyacak pangesep, karuntutin nyacak dedosan, wawu kelanturan antuk ; sesampun parumane puput, patut kecacak malih tur sane kasep, sang ninggal paruman miwah sane nosa, wenang ketibakin denda, ageng alit pun **Rp. 10.000,-**

PAWOS 17 (2) ca.

- Maka pamastika wawu kengin ngancak pangasep, yening acara sampun mamargi atenge lintang.

PAWOS 17 (2) ra.

- Sejeroning peparuman ten kalugra ngewetuang wak ghora minekadi ngardi biyota ; mamurung, wenang keni pamidanda bea pecamil, sekadi dandaning angguman-uman ring paseban, yan wenten krame sekadi asapunika keni mapidanda **Rp. 20.000**

**PALET 5
INDIK DRUEN DESA**

PAWOS 20 (1) sa.

➤ Druen Desa Siosan :

- a. Pelenggih Ulun Desa
- b. Pelenggih Perempatan
- c. Pelenggih Teben
- d. Pelenggih Beji
- e. Pelenggih Bale Banjar

**PALET 6
INDIK PANYANGGRAN BANJAR**

PAWOS 21 (2)

➤ Tetibak penyanggrane inucap ring ajeng, patut kesanggre olih krame adat gumanti puput.

SUKERTAN TATA AGAMA

PALET 1

PAWOS 22 (3) :

- Pemargin pengacine ring soang - soang Kahyangan ring ajeng, manut kecap sastra agama, saha kelaksanayang kanista, madyana, utama manut kawentenan krama ; sane kaingkupin wantah kanista.

PAWOS 23 (4) na. HAL 16

- a. Marep ring prabean Pitra Yadnya ring Pemangku, yan seda riwekas, Desa Adat patut maweh dana punia atiwa-tiwa ageng nyane Rp. 15.000.000,-.
- b. Indik upakara inucap kekaryanin olih ikrama desa/ numbas.
- c. Kekirangan prabiya kejangkepin olih sang meduwe yadnya.

PAWOS 24 (ca)

- Yan pamangku kelayu sekaran, wenang anglepas Swadharma ; salami kelayu sekaran, kegentosin antuk penyeden ipun tur kadadosang malih ngamong swadharma nyane risampun ipun matelah-telah utawi nyepuh.

PAWOS 26 (2)

- Tatacarane ngadegang miwah ngentosin pemangku, inggih punika wit saking turunan utawi (ngwaris), yang ten polih saking turunan nglantur nyajan, wawu kapilih antuk krama, lan pemangku kagentosin wit sangkaning seda, keni gering ila (ceda cangga) lan masolah maprawerti tan patut, utawi nilar sesananing kapamangkuan.

PAWOS 27 (1) ha 4

- Sebel seantukan kelayu sekaran sengkernyane jantos puputing nyapsap nyepuh, sapasira sane mamurung keni **denda Rp. 50.000,-**

PAWOS 27 (2)

- Tata busana kapura, ritatkala ngaturang bakti inggih punika mabusana adat kapura, karma istri nganggen kebaya putih wiadin kuning tangan panjang tur **ten kedadosang nganggen kamben jadi**, yan wenten sane tempal keni mapidanda Rp. **5.000,-**

PAWOS 27 (5) hal 18

- Sang mamurung kacape ring ajeng : aksara (ha, na, ca, ra, ka, miwah nomer 4). Sapasira mamurung keni pamidanda Rp. 25.000

PAWOS 28 (1)

- Yening wenten jadma kerawuhan ring pura boyo sangking nyanjan tur ngawinang kramane biyopara, wenang keni dewa danda lan arta danda minekadi nyapsap nyepuh nglemiji ring kahyangan punika lan kekeninin arta denda minekadi jinah . **Rp.3.000.000.**

PALET 3

INDIK PITRA YADNYA

PAWOS 31 (2)

- Tata cara penyangrane inucap, yan wenten sinalih tunggil krama desa sane ngelaksanayang upacara pitra yadnya yan ipun “mapendem” ka sangra antuk krama. Ngantos puput, tur kagebag antuk I krama desa, Yening pinika nangum upakara atiwa-tiwa / wenang kaluwarga sane makarya polih penyanggran ngantos puput.

PAWOS 32 (2) ca. 1

- Soang-soang krame desa nedunin pepatus : (Mapendem)
 - Beras 1 Kg
 - Jinah Rp.10.000

PAWOS 32 (2) re.

- Prade makingsan ring geni keni pepatus :
 - Beras 1 Kg
 - Jinah Rp. 10.000

PAWOS 32 (2) ka.

- Prade ke abenang keni pepatus :
 - Beras 3 Kg
 - Jinah Rp. 25.000
 - Kelapa a bungkul
 - Jaja 3 angkep
 - Pis bolong 5 keteng

PAWOS 32 (6)

- Sang Piwal ring pidabdab desa, wenang keni dewa denda nyapsap nyepuh nglemiji, arta danda keni jinah **Rp. 3.000.000,-**

PAWOS 33 (2)

- Tatacara nyulurang kacuntakan mapagamel kecap sastra agama ka anutang ring drestan desa inggian punika : sebel ngraja swala, kempakan madue anak alit sadurung tutug kambuhan, pangentenan, sadereng makala-kalan, gering ila.

PAWOS 33 (4)

- Sang mamurung patut keni dewa danda ; Nyapsap nyepuh ring kahyangan, jinah **Rp.200.000,-**

PAWOS 34 (1) hal 23

- Pepatusan pengabenan manut perarem pawos 32 (2) ka.
 - Beras 3 Kg
 - Jinah Rp. 25.000,-
 - Kelapa a bungkul
 - Jaja 3 angkep
 - Pis bolong 5 keteng

PAWOS 34 (3)

- Pengingune Ring krama banjar :
- Indik tedun ngayah nganggen krama :
 - Batu batu adat a rahine keni Rp. 50.000,- ritatkale ngangge dinas adat
 - Aselid semeng patut nyangra nganggen ajengan lan kopi
 - Yening sore nyanggra ngaggen : wedang sanganan
 - Kebakatan aselid Rp. 2.000
 - Yening numpang makarya :
 - Ngaben asawo keni ; 50 kg beras beras, jinah Rp. 500.000 ayahan pateh reramonan pateh.

**PALET 4
INDIK MANUSA YADNYA**

PAWOS 35 (2)

- Yening wenten I krama desa. Nangun karya manusa yadnya : Nyambutin, Mawiwaha, Potong gigi / mapandes lan karya – karya sane mabuat, sami punika patut kesanggra antuk I krama desa.
- Yening wenten sane numpang Mekarya patut keni – batu : adat akeh nyane **Rp. 250.000,-**
- Patut kawewehin, di pet prade wenten sane numbah banten.
- Yening wenten silih sinunggil karma wenten ngewangun karya manusa yadnya mangde mesadok 25 dine sedurung karya ke prjuru.

**PALET 5
INDIK BUTHA YADNYA**

PAWOS 36 (2)

- Pidadab pamargin butha yadnya inucap, mapagamel sastra agama, same polih panyangran krama, ritatkala I Krama Desa ngwangun upacara butha yadnya inggih punika : saking macaru labuh gentuh ngamenekang.

PAWOS 37 (1) hal 24

- Butha Yadnya marep ring kabuatan desa pakraman kutuhpaang minekadi : Caru pala ban sasih kalaksanayang ngawit saking tilem sasih kaenem.

PAWOS 37 (2)

- indik pamargin pemelastian utawi makiyis kamargiang ring purwanining tilem kasanga.

PAWOS 37 (6)

- mangda pamargin catur brata penyepian punika trepti patut katilikin tetelik desa. Sane kawastanin pacalang desa, tur sang mamurung patut katiwakin pamidanda akeh nyane **jinah Rp. 25.000,-**

PALET 1
SUKERTAN TATA PAWONGAN
INDIK PAWIWAHAN

PAWOS 28 (4)

Tatacara penglaksanan pawiwahan mapagamel antuk kecap sastra agama ka anutang ring drestan desa, inggian punika, mangda pastika, kawastanin sah, sang sane mawiwaha, sangkaning asih kumasih purusa lan pradana tur kasahang antuk tri upeksa / upa saksi.

- Indik jinah penyaksi **agengnyane Rp. 150.000** kephah tiga :
 - Apah olihan bendesa Adat
 - Apah olihan klian banjar Dinas
 - Apah olihan kas Desa Adat

SUKERTAN TATA PALEMAHAN

PALET 1
INDIK KARANG TEGAL LAN CARIK

PAWOS 50 (2)

- Prade wenten mamurung kecape ring ajeng, sang mamurung, patut ngwaliang tanah inucap, tur sang ngalah-alah tegak suci tiosan, ring ngwaliang tanah tegak suci inucap, taler patut karuntutin antuk dewa danda : manut genah, arta danda keni jinah. **Rp.2.000.000,-**

PALET 2
INDIK PEPAYONAN

PAWOS 51 (4) ha.

- Sang nruwenang wit pepayonan sane mayanin prade pungkat padidi, tur ngruntuhin wewanganan krama siosan, sane madue pepayonan punika keni upakara pamrayascita, lan macaru ring sang sane madue wewanganan punika tur keni arta **danda akehyan** **Rp. 500.000,-** Lan sane madruwe taru punika, sahananing karusakan wewanganan manut ageng alit karusakan nyane.

PAWOS 52 (4) na.

Sang notor, monggol utawi ngarebah taru, tur ngrubuhin wewangun krama siosan, ipun keni dewa danda pateh sekadi ring ajeng (pawos 51 4 ha) lan ipun keni arta **danda Rp. 1.000.000,-** saha sahananing prabea kerusakan wewanganan punika ketanggung olih sang sane notor.

PALET 3 WEWANGUNAN

PAWOS 52 (2)

Prade wewangunane jantos nyanyubin ka pisaga bilih-bilih temboke telenging wates, risampun kawara, tur kairing mapaignan taler tan wenten utsahan sang nruwenang, kankat kasadokang ring prajuru, sesampune kaparitatas tur wenteng lelugrahan prajuru, sang nruwenang wewangunan wenang keni danda antuk arta **danda makeh nyane Rp. 2.000.000,-** tur tembok inucap patut kagubar oih sang nruwenang, sanistanya kakaryanang abangan.

PALET 4 WEWALUNGAN

PAWOS 53 (2)

➤ Prade wenten wewalungan malumbar utawi ngeleb tur ngerusak karang utawi pabianan krama siwosan, risampun kawara taler nenten wenten utsahan sang nruwenang, yen wewalungan punika malih ngrusak karang utawi pabianan krama siwosan wewalungan punika kengin ketaban, tur sang nruwenang wenang karibakin danda ngwaliang punikun wit tetandurane sane karusak saha nahur panebas pepiaran, tetabanan, manut panglokikan prajuru luir ipun :

1. Pujer	= Rp. 25.000 / puun
2. Coklat	= Rp. 25.000/ puun
3. Pisang	= Rp. 25.000/ alingseh
4. Padi miwah sane sewosan	= Rp. 25.000/ alingseh

PAWOS 53 (3)

➤ Prade wenten wewalungan ngranjing / ngantos ngeletehin genah suci, minekadi kahyangan, pamrajan lan sekancan nyane, risampune kaparitatas antuk prajuru, sang nruwenang wewalungan inucap, wenang keni dewa danda nyasap nyepuh mrayascita ring kahyangan keni **denda Rp. 500.000,-**

PAWOS 53 (4)

➤ Krama desa patut nyerayanin wewalungan miwah sarwa prani tan kapatutan ngejuk / mademang paksi, nuba ulam, lan sekancan punika, sang mamurung kecape ring ajeng wenang keni **danda Rp. 2.000.000,-** bilih bilih nulup semal kadadosang

PALET 5 BHAYA (PANCA BHAYA)

PAWOS 55 (1)

➤ Sinalih tunggil krama sane manggihin pracihan pastika wentene artha bhaya (kemalingan) patut digelis nepak kulkul tengeran pamitulung. Manut pawos 15 (3) utawi pawos no 16 (1) : sang kemalingan patut digelis atur supaksa ring prajuru : sang kecihnan ngemaling, katur ring sang ngawewenang, mawewehe malih patut keni danda nyasap nyepuh, merayascita, **arta danda Rp. 3.000.000,-** bilih-bilih druwen desa sane sinanggeh suci.

PAWOS 55 (2)

- Sowang-sowang krama desa tan kepatutang mapailonan ring dusta, sang kacihnan mapailonan ring dusta katibakin **denda makeh nyane Rp. 3.000.000,-**

PAWOS 55 (3)

- Indik ngrereh reramonan minekadi ; daun kelapa, ron, miyah sane siosan, ring paabyanan krama siosan ri tanjekan suung tan kadadosang. Sane mamurung keni **danda Rp. 300.000,-**

PAWOS 55 (4)

- Krama desa tan kadadosang ngranjing ka pakubonan utawi pakarangan anak siosan, ritatkala suwung mawastu rarisi sang madrebe pakubon / pakarangan punika kaicalan, sapa sira sane tempal keni **danda akeh nyane Rp. 500.000,-**

PAWOS 55 (5)

- Indik ngranjingin pakubon / pakarangan krama siosan rikala suwung riantukan wenten pisarat sane mabuatan minekadi ; mapengarah, miyah kabuatan sane lianan indike punika kadadosan, tur utsahayang nagingin sawen.

NGUWAH – UWUHIN AWIG – AWIG**PAWOS 60 (2)**

1. Pekarsan krama desa ; pamulung promosi tan kadadosang ngranjing ring wewidangan Desa Pakraman Kutuhpaang, yening mamurung keni **danda Rp. 1.000.000,-**
2. Yening wenten pengusaha miyah sekancan ipun keni **dana sumbangan Rp. 500.000** ngebulan, karyawan ipun sane jenek malinggih ring weidangan Desa Adat Kutuhpaan keni **dana Rp. 25.000, ngebulan**.

SUKERTAN TATA PELEMAHAN

1. Sapa sira ugi ngembahang toyo sane mawit saking glogor wewalungan, peceringan kamar mandi, pwaregan, miyah sane siosan ngawetuung ambu kawon teler ngentungan leluhu ka pakarangan anak lianan, kamargina miyah ketelabahe ipun keni **pamidanda Rp. 500.000 turin kagubar**.
2. Yening wenten silih sinunggil ngenahang pakinkin wewangunan utawi sane siwosan ring margi wewidangan Desa Pakraman Kutuhpaang, mesengker pitung rahina (7 hari) Yening mamurung, keni **pamidanda Rp. 250.000,-**
3. Indik wewalungan. Yening wenten sinalih runggil ngenahang / negulang banteng ring wewidangan margi Desa Pakraman Kutuhpaang nenten kadadosang, yening mamurung **danda Rp. 50.000,- aukud**.
4. Yening wenten sinalih tunggil krama ngulungin nyuh ring karang tegal anak tiosaan tenkedadosang, sane mamurug keni **pamidanda Rp. 10.000,- abungkul**.
5. Yening wenten karma sane ngemaling pisang ring abian krama tiyasan, **kapidanda akeh nyane Rp. 100.000,- aijeng**.
6. Indik tamiyu/ investor sane numbas tanahring wewidangan Desa Adat Kutuhpaang a genah keni dana Rp. 2.500.000,-

7. Indik Investor sane ngapling tanah ring wewidangan Desa Adar Kutuhpaang, a kapling keni Rp. 1.000.000,-
8. Indik selantur nyane ke baosang oilih prajuru desa.

INDIK BATU – BATU ADAT

1. Kabakatan rutin	Rp. 2.000,-	asampel aselid
2. Kabakatan pembangunan	Rp. 5.000,-	asampel aselid
3. Pengampel	Rp. 50.000,-	nganem bulan
4. Kabakatan rapat	Rp. 10.000,-	
5. Batu-batu adat	Rp. 1.000,-	asampel/aselid
6. Batu-batu kursi (Anggen krama)	Rp. 50.000,-	apragatan karya
7. Yening medal (Kursi)	Rp. 1.000,-	asiki arahina
8. Bleganjur (Anggen krama)	Rp. 50.000,-	
9. Yening medal (Bleganjur)	Rp. 500.000,-	aselid
Pah – pahannyane :		
- Abagi ka Adat		
- Duang bagi ka Sekaa.		

Mengetahui :

Kerta Desa,



I MADE SUJANA, S.AG

Kutuhpaang, 07 Januari 2019
Bendesa Pakraman Kutuhpaang



I MADE ENDRA ARSANA